

CAMBRIA sive WALLIA.

Regio.
Nomina.
Situs.

Soli qualitas.



Herefordia.
Imperium majorem.

Radnorvia.
Imperium majorem.

Brechinia.

CAMBRIA, quæ & Wallia, sive Wales, avita Britannorum Sedes, a Cambro tertio Bruti Filio denominata nonnullis videtur, quod falsum putat Camdenus. Hæc ab Anglia Saxonica sive Lhoëgia, Sabrina & Dia Fluvii distinguitur. Cetera ejus Regionis Mari Hibernico pulsantur. Hujus nomen universam quondam Transfabrinam Regionem complectebatur, nunc vero minus late patet. Terra omnis montosa, aspera, clivosa, nisi qua Mari vicina est; hic enim solum fecundius. Walliam autem tres olim populi infederunt: *Silures*, *Dimetæ*, & *Ordovices*. Hi non solum duodecim, quos vocant Wallia Comitatus, sed duos etiam illos Transfabrinos *Herefordshire*, & *Monmouthshire*, qui Angliæ Comitatibus adnumerantur, tenuerunt. *Silures* eas regiones ex Ptolemæi descriptione incoluerunt, quæ Wallis sua lingua uno nomine *Dehenbarth*, i. pars Australis, & novis hodie nominibus, *Herefordshire*, *Radnorshire*, *Brecknockshire*, *Monmouthshire*, & *Glamorganshire*, appellantur, in quibus & nominis Silurum nonnullæ supersunt reliquæ. Reliquam hujus regionis partem quæ longius in Occasum projecta, Anglis *Westwales* dicitur, agrumque Maridunensem, sive *Caernardenshire*, Penbrochiensem, & Cereticam, sive *Cardiganshire* complectitur, Plinius *Siluras* etiam tenuisse existimavit; sed Ptolemæus qui exploratius Britanniam novit, alium hic populum constituit, quos *Dimetas* & *Demetas* dixit, *Demetieque* nomine pro hoc tractu usi sunt, cum Gildas, tum Nennius. *Ordovices* qui & *Ordovices*, reliquos duos Principatus (quos illi *Guineth* & *Powis*, Angli *North-wales* & *Powisland* dicunt) olim infederunt; & ad eos spectarunt regiones illæ, quæ nunc Anglice novis nominibus *Montgomeryshire*, *Merionethshire*, *Caernarvonshire*, *Denbighshire* & *Flinshire* appellantur. Nunc Wallia partes eo ordine quo supra a nobis posita sunt, percurramus: ea tantum quæ nobis in Tabularum Mercatoris explicationibus indicata sunt referentes. Occurrit primo loco *Herefordiensis Comitatus*. Huic elangente jam Anglorum Imperio præfuit Comitis Officialis titulo *Radulphus* Gualteri Medantini Filius, quem Normanni hoc honore exuerunt, cui suffecerunt *Guilielmus* Filius *Osberni*, Normanniæ Ducibus arctissima propinquitate conjunctum. Huic successit *Robertus* ejus Filius de *Britolio* dictus, qui sine prole mascula proscriptus obiit. *Stephanus*que Rex *Roberto le Bossu* Comiti Leicestriæ reddidit Herefordiam, verum frustra: *Mathildis* enim *Augusta*, sive Imperatrix *Milodem* Gualteri Constabularii Glocestriæ Filium, eo honore auxit, Angliæque Constabularium fecit, cui *17* Filii *Rogerus* scilicet, *Gualterus*, *Henricus*, & *Mahel*, nulla suscepta prole invicem successerunt. De reliquis *Camdenum* vide. *Radnorvia* sequitur. Hanc *Mortuomarii* sive de *Mortuo-mari* qui Anglis *Mortimers* dicti, primi Normannorum Regionem fuso *Edrico* Silvatico Saxone, sibi devicerunt. Cumque longo jam tempore inter omnes in hac regione eminuisset, tandem Rex *Edwardus III* anno salutis *1327* *Rogertum* de *Mortuo-mari* Dominum de *Wigmor* hujus limitis Wallici, vel (ut vulgo loquuntur) *Marchiæ* Comitæ creavit, qui statim mortē multatus est. De his & reliquis plura habes apud *Camd.* Tertium locum obtinet *Brechinia*. Hujus Agrum